

JU SREDNJA ELEKTROTEHNIČKA ŠKOLA „SALIH SALKO ĆURIĆ“ MOSTAR

Na osnovu tačke II Odluke o raspisivanju Konkursa za upis redovnih učenika u prvi (I) razred srednjih škola u školskoj 2026/2027. godini, broj: 02-02-1114/26 od 14. maja 2026. godine, Ministarstvo obrazovanja, nauke, kulture i sporta Hercegovačko-neretvanskog kantona

r a s p i s u j e:

K O N K U R S ZA UPIS REDOVNIH UČENIKA U PRVI /I/ RAZRED SREDNJE ŠKOLE U ŠKOLSKOJ 2026/2027. GODINI

A. OPŠTI USLOVI

1. Pravo prijave na Konkurs za upis u prvi (I) razred srednje škole pod jednakim uslovima imaju:
 - Učenici koji su završili osnovnu školu, u dobi do 17 godina, a izuzetno do 18 godina, uz odobrenje Nastavničkog vijeća;
 - Učenici s posebnim potrebama, na osnovu odgovarajućeg rješenja i mišljenja imaju pravo upisa i s navršenih 20 godina života.
2. Prijem kandidata vrši se u skladu s Planom upisa, a na osnovu rang-liste koju u cjelini objavljuje Komisija za upis.
3. Komisiju za upis imenuje Školski odbor.
4. U svakom upisnom roku kandidat se može prijaviti za upis u jednu školu, a unutar škole kandidat se može prijaviti za upis u najviše četiri (4) obrazovna programa. U prijavi na konkurs kandidat navodi po redoslijedu listu prioriteta.
5. **Ukoliko za neki obrazovni program u školi, nakon prvog upisnog roka, nije bilo dovoljno prijava, kandidat se, u skladu sa listom prioriteta i ostvarenom broju bodova, upisuje u obrazovni program za koji postoji mogućnost formiranja odjeljenja.**
6. Kandidat prilaže na konkurs za upis sljedeću dokumentaciju:

- **prijavu na konkurs (obrazac dostupan u školi);**
- **uvjerenje o podacima iz matične knjige rođenih (orginal ili ovjerena kopija rodnog lista);**
- **svjedodžbu o završenoj osnovnoj školi (IX razred);**
- **uvjerenje ili svjedodžbu o uspjehu u šestom (VI), sedmom (VII) i osmom (VIII) razredu;**
- **druge relevantne dokumente.**

Svjedodžba i uvjerenja se prilažu u orginalu, a ostali dokumenti mogu biti original ili ovjerene kopije.

7. Izrazi koji se koriste u ovom konkursu, a koji imaju rodno značenje, bez obzira na to jesu li korišteni u muškom ili ženskom obliku, obuhvataju na jednak način i muški i ženski rod.

UPIS KANDIDATA KOJI DOLAZE IZ INOSTRANSTVA

1. Kandidati koji su jedan ili dva posljednja razreda osnovne škole završili u inostranstvu, konkurišu za upis u srednju školu na osnovu svjedodžbi za, te razrede i rješenja o nostrifikaciji svjedodžbi koje izdaje Ministarstvo obrazovanja, nauke, kulture i sporta HNK-a.
2. Rješenje o nostrifikaciji kandidat može dostaviti školi naknadno, a najkasnije do kraja septembra 2026. godine.

UPIS KANDIDATA STRANIH DRŽAVLJANA

- Kandidati strani državljani mogu se upisati u srednju školu uz uslov da u školi postoje slobodna upisna mjesta.

Prijem učenika vrši se u skladu s Planom upisa, a na osnovu rang-liste koju u potpunosti objavljuje Komisija za upis.

Prijavljivanje, izbor i upis vrši se u tri upisna roka kako slijedi:

A. ROKOVI

I) Prvi upisni rok:

- Prijava kandidata 22.06.2026. godine od 8.00 do 12.00 sati;
- Objava rezultata (rang-liste) na školskoj oglasnoj tabli 23.06.2026. godine do 13.00 sati;
- Upis učenika 24.06.2026. godine od 08.00 do 12.00 sati.

II) Drugi upisni rok:

- Prijava kandidata u škole s nepopunjenim mjestima 29.06.2026. godine od 8.00 do 12.00 sati;
- Objava rezultata (rang-liste) 30.06.2026. godine u 8:00 sati
- Upis učenika 30.06.2026. godine od 10:00 do 12.00 sati.

III) Treći upisni rok:

- Prijava kandidata u škole s nepopunjenim mjestima 25.08.2026. godine od 8.00 do 12.00 sati;
- Objava rezultata (rang-liste) 26.08.2026. godine u 8 sati
- Upis učenika 26.08.2026. godine od 10.00 do 12.00 sati.

Broj kandidata koji se primaju u prvi razred JU Srednje elektrotehničke škole „Salih Salko Ćurić“ Mostar je:

JU Srednja elektrotehnička škola „Salih Salko Ćurić“ Mostar	ČETVEROGODIŠNJI PROGRAMI	BROJ UČENIKA
	elektrotehničar elektronike – digitalne tehnologije	72
	elektrotehničar računarske tehnike i automatike za programiranje i razvoj softvera	
	elektrotehničar informacijskih tehnologija	
	elektroenergetičar obnovljivih izvora energije	
	TROGODIŠNJI PROGRAMI	
	elektroničar za instalacije i kućanske aparate	18
	elektroinstalater	

B. KRITERIJI ZA IZBOR

Izbor učenika za upis u prvi (I) razred JU Srednje elektrotehničke škole „Salih Salko Ćurić“ Mostar vrši se na osnovu općeg uspjeha iz osnovne škole, dodatnih elemenata vrednovanja, te pokazanih sklonosti i sposobnosti kada to zahtijeva priroda programa.

1. Bodovi na osnovu uspjeha dobivaju se kao zbir prosječne ocjene uspjeha u VI i VII razredu osnovne škole, općeg uspjeha i prosjeka ocjena relevantnih predmeta zaokruženo na dvije decimale u posljednja dva razreda osnovne škole.
2. Na osnovu uspjeha moguće je steći najviše 25, a najmanje 10 bodova.

*Primjer izračunavanja **maksimalnog** broja bodova*

Razred/i	Kriterij	Broj maksimalnih bodova
VI-VII	Prosječna ocjena uspjeha	5,00
VIII	Opći uspjeh	5
	Prosječna ocjena relevantnih predmeta	5,00
IX	Opći uspjeh	5
	Prosječna ocjena relevantnih predmeta	5,00

3. Ako učenik u osnovnoj školi nije imao neki od nastavnih predmeta relevantnih za utvrđivanje uspjeha ili broja bodova za upis u srednju školu, za taj se predmet uzima ocjena općeg uspjeha učenika.

4. Učenik generacije i učenik bez oba roditelja upisuje se direktno, uz uslov da zadovolji na ispitu sposobnosti i nadarenosti u školama u kojima je to uslov upisa.

5. Učenik generacije osnovne muzičke škole upisuje se direktno, pod uslovom da zadovoljava minimalni bodovni prag za upis.

6. U gimnazije se mogu upisati učenici koji imaju najmanje 22 boda, a **u tehničke i srodne četverogodišnje škole najmanje 16,5 bodova.**

7. Za trogodišnje programe ne utvrđuje se minimalni broj bodova koji su potrebni za upis.

8. Ukoliko dva ili više učenika imaju jednak zbir bodova, njihovo međusobno rangiranje obavlja se na osnovu viših prosječnih ocjena učenika iz posebno označenih nastavnih predmeta u tabelama.

Relevantni predmeti su:

Za četverogodišnja zanimanja:	Za trogodišnja zanimanja:
Bosanski jezik i književnost	Bosanski jezik i književnost
Engleski jezik	Matematika
Matematika	Fizika
Fizika	Tehnička kultura
Tehnička kultura	

D. VREDNOVANJE REZULTATA NA TAKMIČENJIMA

1. Vrednuje se i boduje rezultat kandidata postignut na kantonalnom takmičenju u znanju iz relevantnih predmeta za izbor, koja se provode u organizaciji Pedagoškog zavoda/Zavoda za školstvo, odnosno na takmičenja na entitetskom, državnom ili međunarodnom nivou koje verifikuje Pedagoški zavod/Zavod za školstvo, a koje je kandidat postigao u posljednja četiri (4) razreda osnovnog obrazovanja. Ako je kandidat učestvovao na više takmičenja, ili na takmičenjima iz više područja relevantnih za program u koji se upisuje, **vrednuje mu se isključivo jedno (najpovoljnije) postignuće.**

2. Kriterij bodovanja su osvojeno prvo, drugo ili treće mjesto na kantonalnom, entitetskom, te međunarodnom ili državnom nivou.

Bodovanje takmičenja u znanju iz relevantnih predmeta

Takmičenje u znanju iz relevantnih predmeta	Kriterij	Bodovi
Međunarodni ili državni nivo	Prvo osvojeno mjesto	4,5
	Drugo osvojeno mjesto	4
	Treće osvojeno mjesto	3,5
Entitetski nivo	Prvo osvojeno mjesto	3
	Drugo osvojeno mjesto	2,5
	Treće osvojeno mjesto	2
Kantionalni nivo	Prvo osvojeno mjesto	1,5
	Drugo osvojeno mjesto	1
	Treće osvojeno mjesto	0,5

E. UPIS KANDIDATA S TEŠKOĆAMA U RAZVOJU

- Kandidati s teškoćama u razvoju su kandidati koji su završili osnovnu školu na temelju nalaza i mišljenja nadležnog stručnog tijela (komisije) za procjenu, praćenje i usmjeravanje, kojim su djetetu utvrđene funkcionalne sposobnosti, te preporučeni i ostvareni odgovarajući oblici odgoja i obrazovanja u osnovnoj školi.
- Učenik s teškoćama u razvoju ostvaruje pravo na direktan upis na osnovu:
 - a) važećeg nalaza i mišljenja izdanog na temelju procjene nadležnog stručne komisije za procjenu, praćenje i usmjeravanje, kojim se potvrđuje pravo na specifične oblike pomoći u obrazovanju;
 - b) stručnog mišljenja o profesionalnoj orijentaciji izdanog u saradnji sa Službom za zapošljavanje i nadležnom stručnom komisijom, kojim se utvrđuje srednjoškolski program primjeren funkcionalnim sposobnostima i individualnim potrebama učenika.

F. UPIS KANDIDATA SA ZDRAVSTVENIM TEŠKOĆAMA

Učenik s invaliditetom ostvaruje pravo na postupak profesionalne orijentacije s ciljem izbora srednjoškolskog programa, odnosno zanimanja koje je primjereno njegovim funkcionalnim sposobnostima, individualnim potrebama i potencijalima. Postupak se provodi prije prvog upisnog roka, kroz koordinaciju Službe za zapošljavanje i mjerodavnog stručnog tijela (komisije) za procjenu, praćenje i upućivanje.

Na temelju provedenog postupka, učenik s invaliditetom prijavljuje se na konkurs za upis u srednju školu u prvom upisnom roku u skladu s izdanim stručnim mišljenjem o profesionalnoj orijentaciji, koje obvezno prilaže uz upisnu dokumentaciju.

G. ZDRAVSTVENE KONTRAINDIKACIJE

1. Za pojedine vrste škola i programa, odnosno zanimanja postoje zdravstvene kontraindikacije koje će srednje škole istaknuti na svojim oglasnim tablama uz obavijest učenicima i roditeljima da prije upisa u školu konsultuju ljekara, posebno ljekara medicine rada, o opravdanosti upisa u željeni program, odnosno zanimanje.
2. Ukoliko se učenik upisuje u program i pored znanja o postojanju zdravstvenih kontraindikacija ili ih nije utvrdio, rizik i odgovornost za mogućnost završetka školovanja i zapošljavanja preuzima učenik i roditelj.
3. Za upis u pojedine programe škola će, u skladu sa posebnim propisima, zatražiti od učenika, kao uslov za upis, i ljekarsku potvrdu o nepostojanju zdravstvenih kontraindikacija za željeno zanimanje.

Kandidat koji smatra da je oštećen ima pravo žalbe Školskom odboru škole u roku od osam /8/ dana od dana objavljivanja na oglasnoj tabli škole.

Mostar, 9. juni 2026. godine



OBAVJEŠTENJE O OBRADI LIČNIH PODATAKA



Bosna i Hercegovina
Federacija Bosne i Hercegovine
Hercegovačko - neretvanski kanton
Grad Mostar
JU Srednja elektrotehnička škola „Salih-Salko Ćurić“ Mostar

Broj: 05-01-433/26

Datum: 11.6.2026.

OBAVJEŠTENJE O OBRADI LIČNIH PODATAKA KANDIDATA ZA UPIS UČENIKA U PRVI RAZRED SREDNJE ŠKOLE ZA ŠKOLSKU 2026/2027. GODINU

U skladu sa Zakonom o zaštiti ličnih podataka („Sl. Glasnik BiH“, broj: 12/25), JU Srednja elektrotehnička škola „Salih Salko Ćurić“ Mostar obavještava kandidate za upis u prvi razred srednje škole i njihove roditelje/staratelje o načinu prikupljanja i obrade ličnih podataka:

1. KONTROLA LIČNIH PODATAKA

JU Srednja elektrotehnička škola „Salih Salko Ćurić“ Mostar
Alekse Šantića 10, 88 000 Mostar
Telefon: +387 36 580 126
E-mail: eltehmostar@gmail.com

2. SLUŽBENIK ZA ZAŠTITU PODATAKA

Škola je imenovala službenika za zaštitu podataka kojemu se možete obratiti za sva pitanja vezana uz obradu vaših podataka.

Ime i prezime: Mensura Žuljević

Kontakt: eltehmostar@gmail.com / +387 36 580 126

3. SVRHA I PRAVNI TEMELJ OBRADE

Vaši podaci obrađuju se isključivo u svrhu provođenja Konkursa za upis u školsku 2026/2027. godinu, što uključuje zaprimanje dokumentacije, bodovanje, rangiranje kandidata i javnu objavu rezultata.

Pravni temelj: Obrada je neophodna za izvršenje zadatka koji se obavlja u javnom interesu te u sklopu izvršenja službenih ovlasti škole kao javnog tijela (član 8. stavak (1) tačka e) Zakona).



Bosna i Hercegovina
Federacija Bosne i Hercegovine
Hercegovačko - neretvanski kanton
Grad Mostar
JU Srednja elektrotehnička škola „Salih-Salko Ćurić“ Mostar

4. KATEGORIJE PODATAKA I PRIMATELJI

Prikupljaju se podaci navedeni u tački (6) Konkursa (matični broj, uspjeh u školi, svjedodžbe i drugi relevantni dokumenti).

Primatelji: Vaši podaci mogu biti dostavljeni Ministarstvu obrazovanja, nauke, kulture i sporta HNK-a radi zakonske verifikacije upisnog procesa. Škola ne namjerava prenositi vaše podatke u treće zemlje ili međunarodne organizacije.

5. ROKOVI ČUVANJA PODATAKA

U skladu sa načelom ograničenja čuvanja, podaci se čuvaju samo onoliko koliko je neophodno za svrhu u koju su prikupljeni:

- Kandidati koji nisu primljeni: Dokumentacija se vraća roditeljima ili uništava odmah nakon isteka žalbenog roka na rezultate Konkursa.
- Upisani učenici: Podaci postaju dio trajne pedagoške dokumentacije i čuvaju se u skladu sa propisima o srednjoškolskom obrazovanju i arhivskoj građi.
- Zdravstveni podaci: Ljekarske potvrde i nalazi obrađuju se uz strogu povjerljivost i čuvaju se samo do trenutka utvrđivanja sposobnosti za upis.

6. VAŠA PRAVA KAO NOSITELJA PODATAKA

U svakom trenutku, uz dokazivanje identiteta, imate pravo zatražiti:

1. Pristup svojim podacima i potvrdu o obradi.
2. Ispravak netačnih ili nepotpunih podataka.
3. Brisanje podataka ako više ne postoji pravni temelj za njihovu obradu.
4. Ograničenje obrade u slučajevima predviđenim zakonom.
5. Prigovor na obradu podataka direktno školi ili Agenciji za zaštitu ličnih podataka BiH.

7. OBAVEZA PRUŽANJA PODATAKA

Davanje ličnih podataka je uslov za učestvovanje u konkursnom postupku. Ukoliko odbijete pružiti dokumentaciju propisnu Konkursom, Komisijao za upis neće moći uzeti vašu prijavu u razmatranje niti izvršiti rangiranje.



Direktor:

prof. dr. sc. Jasmin Orđević



Broj: 02-34-1203 /26
Mostar, 25.5.2026. godine

SREDNJIM ŠKOLAMA

-svima-

PREDMET: Zastita ličnih podataka u postupku upisa učenika u prvi razred srednje škole za školsku 2026./2027. godinu,
- informacija, dostavlja se

S obzirom na početak primjene Zakona o zaštiti ličnih podataka („Službeni glasnik BiH“, broj: 12/25), ovim putem podsjećamo srednje škole, u svojstvu kontrolora podataka u skladu sa članom 4. tačkom h) navedenog Zakona, na obavezno usklađivanje svih radnji obrade sa novim zakonskim okvirom tokom provođenja Konkursa za upis učenika u prvi razred srednje škole za školsku 2026./2027. godinu.

Škole su, kao javna tijela, direktno odgovorne za primjenu načela zakonitosti, pravičnosti, transparentnosti i smanjenja obima podataka. U skladu sa načelom pouzdanosti iz člana 7. stavka (2) Zakona, kontrolori moraju u svakom trenutku biti u mogućnosti dokazati usklađenost svojih postupaka sa propisanim normama, jer teret dokazivanja zakonitosti obrade leži isključivo na školi.

Na osnovu člana 10. Zakona, obrada podataka kandidata mladih od 16 godina zakonita je isključivo ako je saglasnost dao ili odobrio roditelj ili zakonski staratelj. Škole moraju osigurati da prijava na konkurs iz tačke (7) Konkursa obavezno sadrži vlastoručni potpis roditelja, koji ujedno služi kao dokaz o informisanoj saglasnosti za prikupljanje i obradu podataka.

U skladu sa članovima 14. i 15. Zakona, škole su obavezne u trenutku prikupljanja dokumentacije svakom kandidatu i roditelju pružiti jasne i sažete informacije o identitetu kontrolora, kontaktima službenika za zaštitu podataka te o pravima na pristup, ispravku i brisanje podataka. Ove informacije moraju biti istaknute uz tekst Konkursa na oglasnim pločama i dostupne u pisanom obliku.

Prikupljanje zdravstvene dokumentacije i nalaza nadležnih komisija, predviđeno tačkama B.3. i B.5. Konkursa, predstavlja obradu posebnih kategorija podataka čija je povjerljivost strogo zaštićena članom 11. Zakona. Škole su dužne primijeniti posebne mjere tehničke i organizacijske zaštite kako bi pristup tim podacima bio ograničen isključivo na ovlaštene članove Komisije, uz obavezu čuvanja profesionalne tajne.

Prilikom objave rang-lista iz tačke (2) Općih uvjeta Konkursa, škole moraju izbjegavati objavu jedinstvenog matičnog broja (JMBG) i drugih suvišnih identifikatora, vodeći se načelom smanjenja obima podataka i zaštite privatnosti djeteta.

Škole su dužne osigurati primjenu ovih mjera tokom sva tri upisna roka, štiteći osnovna prava nosilaca podataka.

S poštovanjem,

Dostavljeno:
1. Naslovu,
2. a/a.

MINISTAR

prof. dr. Adnan Velagić

